

Resolución do 26 de abril de 2010, da Dirección Xeral de Formación e Colocación, pola que se convocan as segundas probas de avaliación en competencias clave para acceder aos cursos dos certificados de profesionalidade de nivel 2 e 3 de cualificación dentro das accións formativas de formación profesional para o emprego na Comunidade Autónoma de Galicia.

O Real decreto 34/2008, do 18 de xaneiro, polo que se regulan os novos certificados de profesionalidade asociados ao Catálogo Nacional de Cualificacións Profesionais, establece no artigo 5.5º c) que en todos e cada un dos módulos formativos que conformen os novos certificados de profesionalidade de nivel 2 e 3 se determinarán os criterios de acceso dos alumnos, que asegurarán que estes contan coas competencias clave suficientes para cursar con aproveitamento a formación.

Para regular o procedemento de probas na Comunidade Autónoma de Galicia aprobouse a Orde do 26 de novembro, que regula as probas de avaliación en competencias clave para acceder aos cursos dos novos certificados de profesionalidade de nivel 2 e 3 de cualificación dentro das accións formativas de formación profesional para o emprego.

Nesta orde establécese que a Dirección Xeral de Formación e Colocación, a través do Instituto Galego das Cualificacións, convocará, polo menos unha vez ao ano, probas de avaliación en competencias clave.

Con data do 8 de xaneiro de 2010 publicouse a primeira convocatoria de probas a través da Resolución do 17 de decembro de 2009.

De conformidade co exposto, a través desta disposición procede agora convocar un novo proceso de probas de avaliación para facilitar que as persoas poidan acreditar as competencias clave que se requiren para acceder aos cursos dos novos certificados de profesionalidade.

Artigo 1º.-*Obxecto.*

O obxecto desta resolución é a convocatoria para o ano 2010 das segundas probas de avaliación en competencias clave para o acceso aos cursos dos novos certificados de profesionalidade de nivel 2 e 3 de cualificación profesional da formación profesional para o emprego no ámbito da Comunidade Autónoma de Galicia.

Artigo 2º.-*Competencias clave que se convocan para o ano 2010.*

1. Convócanse probas nos dous niveis, 2 e 3, nas seguintes competencias clave:

-Comunicación en lingua galega

- Comunicación en lingua castelá
- Comunicación en linguas estranxeiras (inglés)
- Competencia matemática
- Competencias en ciencia
- Competencia en tecnoloxía
- Competencia dixital
- Competencias sociais (xeografía)
- Competencias sociais (historia)

Artigo 3º.-*Solicitud para participar nas probas de avaliación en competencias clave.*

1. A participación nestas probas deberá formalizarse presentando solicitude dirixida ao Instituto Galego das Cualificacións.

2. A devandita solicitude presentarase xuntando o modelo que figura no anexo 1 (de acordo co recollido no artigo 8 da Orde do 26 de novembro de 2009), e o modelo complementario recollido no anexo 1.1 que figuran nesta resolución.

3. A solicitude poderá presentarse a partir do día seguinte ao da publicación desta resolución no DOG ata o día 29 de maio, no rexistro da Consellería de Traballo e Benestar, no rexistro xeral da Xunta de San Caetano (ambos os dous en Santiago de Compostela), así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 4º.-*Documentación.*

As persoas aspirantes deberán xuntar á súa solicitude de inscrición:

a) Fotocopia do documento nacional de identidade, ou número de identificación de estranxeiro ou do pasaporte. A presentación da fotocopia do DNI ou NIE non será precisa se a persoa solicitante dá o seu consentimento para que se consulten os datos relativos aos citados documentos, de conformidade co previsto na Orde do 7 de xullo de 2009, pola que se desenvolve o Decreto 255/2008, polo que se simplifica a documentación para a tramitación dos procedementos administrativos e se fomenta a utilización de medios electrónicos, no que respecta á verificación de datos de identidade e residencia.

b) De ser o caso, certificado acreditativo de minusvalidez en vigor, para as persoas aspirantes con algunha minusvalidez que soliciten algún tipo de adaptación posible de tempo e medios para a realización da proba. Non será necesario achegalo no suposto de minusvalideces recoñecidas polo órgano competente desta comunidade autónoma.

Artigo 5º.-*Relación provisional e definitiva de persoas inscritas admitidas e excluídas.*

1. A relación provisional das persoas inscritas nas probas en que fosen admitidas e, se é o caso, as excluídas, con indicación das causas de exclusión, será publicada polo Instituto Galego das Cualificacións na páxina web <http://traballoebienestar.xunta.es/>, e nos taboleiros de anuncios dos servizos centrais e dos departamentos territoriais da Consellería de Tráballo e Benestar, nas datas indicadas no calendario que figura no anexo 2.

2. As persoas inscritas poderán formular contra esta relación provisional de admitidos e excluídos as oportunas alegacións, que se dirixirán ao Instituto Galego das Cualificacións no prazo de tres días hábiles.

3. A relación definitiva de persoas solicitantes admitidas e excluídas será publicada na páxina web <http://traballoebienestar.xunta.es/>, e nos taboleiros de anuncios dos servizos centrais e dos departamentos territoriais da Consellería de Tráballo e Benestar, nas datas indicadas no calendario que figura no anexo 2.

Artigo 6º.-*Realización das probas de avaliación en competencias clave.*

1. As probas de avaliación en competencias clave terán lugar nas datas indicadas no calendario da convocatoria que se inclúe no anexo 2, que deberá ser exposto na páxina web <http://traballoebienestar.xunta.es/> e nos taboleiros de anuncios dos servizos centrais e dos departamentos territoriais da Consellería de Tráballo e Benestar.

2. O candidato realizará unha proba por cada unha das competencias clave convocadas en que se inscribise. A duración da proba en cada competencia clave é dunha hora. A realización de cada unha das probas de avaliación seguirá a orde e o horario que se indica no anexo 2 desta resolución.

3. As probas terán lugar no Recinto Feiral de Silleda, en Silleda (Pontevedra)

4. Para a realización das probas as persoas aspirantes deberán ir provistas do documento nacional de identidade, do número de identificación de estranxeiros ou do pasaporte, así como de materiais de escritura.

5. As persoas participantes nas probas terán cuberto o risco de accidente derivado da asistencia a estas.

Artigo 7º.-*Comisións de avaliación.*

1. O/a director/a xeral de Formación e Colocación, por proposta do/a director/a do Instituto Galego das Cualificacións, nomeará dúas comisións de

avaliación para as probas de competencia clave de nivel 2 e unha comisión de avaliación para as probas de competencia clave de nivel 3, que terán como sede o Instituto Galego das Cualificacións (rúa San Lázaro s/n, 15781, Santiago de Compostela).

2. De acordo co previsto no artigo 7.3º da Orde do 26 de novembro de 2009 pola que se regulan as probas de avaliación en competencias clave, á vista do número de persoas aspirantes poderase ampliar o número de comisións de avaliación. Así mesmo, poderase incorporar ás comisións de avaliación o número de vixilantes e correctores que se considere preciso.

3. De conformidade co disposto no artigo 10.5º da Orde do 26 de novembro de 2009 pola que se regulan as probas de avaliación en competencias clave, no caso de nomear correctores/as estes formarán parte das comisións de avaliación para a realización das probas.

Artigo 8º.-*Resultados das probas.*

Os resultados das probas de avaliación estarán accesibles para as persoas que realizaron as probas de forma confidencial, desde a páxina web da Consellería de Tráballo e Benestar nas datas indicadas no calendario que figura no anexo 2.

Artigo 9º.-*Reclamación contra as cualificacións.*

1. Contra a cualificación obtida poderá presentarse reclamación dirixida ao presidente ou presidenta da comisión, no prazo de tres días hábiles contados a partir do día seguinte ao da publicación das cualificacións, no rexistro da Consellería de Tráballo e Benestar, no rexistro xeral da Xunta de San Caetano (ambos os dous en Santiago de Compostela), así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

Disposicións derradeiras

Primeira.-Autorízase a persoa titular da Dirección Xeral de Formación e Colocación para ditar as instrucións necesarias para o desenvolvemento e execución desta resolución.

Segunda.-Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 26 de abril de 2010.

Ana Mª Díaz López
Directora xeral de Formación e Colocación

ANEXO I



SOLICITUDE DE INSCRIPCIÓN EN PROBAS DE COMPETENCIAS CLAVE
Acceso á formación de certificado de profesionalidade

Datos persoais

Nome.....

1º apelido.....2º apelido.....

DNI/NIE

--	--	--	--	--	--	--	--

 Letra

Data de nacemento.....Idade..... Sexo: Home Muller

Enderezo.....

Localidade.....CP.....

Teléfonos...../.....

Correo electrónico.....

Nivel educativo

Nivel máximo de estudos finalizados con titulación

Se agora está estudando, indique que estudos realiza

Competencias clave das cales solicita facer proba (marque cun X o recadro ou recadros correspondentes):

NIVEL 2

- Comunicación en lingua galega
- Comunicación en lingua castelá
- Comunicación en lingua estranxeira-inglés
- Competencia matemática
- Competencia en ciencia
- Competencia en tecnoloxía
- Competencia dixital
- Competencia social-xeografía
- Competencia social-historia

NIVEL 3

- Comunicación en lingua galega
- Comunicación en lingua castelá
- Comunicación en lingua estranxeira-inglés
- Competencia matemática
- Competencia en ciencia
- Competencia en tecnoloxía
- Competencia dixital
- Competencia social-xeografía
- Competencia social-historia

Autorizo a consellería de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia.

SI NON

Data de entrega da solicitude	Sinatura do/a solicitante
Observacións	
.....	
.....	



ANEXO 2
Calendario das probas

Prazos	Datas
Prazo presentación solicitudes	29 de maio
Lista provisional de admitidos	9 de xuño
Presentación de alegacións	10 a 12 de xuño
Lista definitiva de admitidos	23 de xuño
Realización das probas Competencias clave de nivel 2 Competencias clave de nivel 3	2 e 3 de xullo 9 e 10 de xullo
Resultados provisionais das probas	17 de xullo
Presentación de reclamacións	19 a 21 de xuño
Resultados definitivos das probas	30 xullo

Horario das probas

Todos os candidatos deberán presentarse media hora antes do inicio das probas en cada competencia clave para seren chamados por orde alfabética.

Competencia clave	Día		Hora
	Nivel 2 Días 2 e 3 de xullo	Nivel 3 Días 9 e 10 de xullo	
Ciencia	Venres tarde		Das 17.00 ás 18.00 horas
Tecnoloxía	Venres tarde		Das 18.30 ás 19.30 horas
Dixital	Venres tarde		Das 20.00 ás 21.00 horas
Matemáticas	Sábado mañá		Das 10.00 ás 11.00 horas
Lingua galega	Sábado mañá		Das 11.30 ás 12.30 horas
Lingua castelá	Sábado mañá		Das 13.00 ás 14.00 horas
Lingua estranxeira	Sábado tarde		Das 17.00 ás 18.00 horas
Sociais (xeografía)	Sábado tarde		Das 18.30 ás 19.30 horas
Sociais (historia)	Sábado tarde		Das 20.00 ás 21.00 horas

CONSELLERÍA DO MEDIO RURAL

Corrección de erros.-Orde do 7 de abril de 2010 pola que se establecen as bases reguladoras para a concesión de subvencións para a prevención e defensa contra os incendios forestais en comunidades de montes veciñais en man común e se convocan para o ano 2010.

Advertidos erros na versión en galego da Orde do 7 de abril de 2010 pola que se establecen as bases reguladoras para a concesión de subvencións para a prevención e defensa contra os incendios forestais en montes veciñais en man común e se convocan para o ano 2010, publicada no DOG nº 67, do 12 de abril, procede a súa corrección, do seguinte xeito:

a) No artigo 10º.-Execución da subvención, onde di: «Unha vez que os traballos propostos sexan inspeccionados e ratificada a súa viabilidade polo distrito forestal, o beneficiario achegará as fichas Six-

pac correspondentes ás zonas de actuación, segundo o formato que figura no anexo VIII», debe dicir: «Unha vez que os traballos propostos sexan inspeccionados e ratificada a súa viabilidade polo distrito forestal, e en calquera caso despois da aprobación do expediente por parte da Consellería do Medio Rural, o beneficiario achegará as fichas Sixpac correspondentes ás zonas de actuación, segundo o formato que figura no anexo VIII. Este anexo completárase por separado para cada unha das actuacións subvencionadas na resolución de aprobación. En cada anexo especificárase o tipo de actuación que corresponde coas fichas Sixpac».

b) No artigo 13º.-Reintegro, onde di: «e) Incumprimento da obriga de adoptar as medidas de difusión contidas na Lei 9/2007 e na lexislación europea», debe dicir: «e) Incumprimento da obriga de adoptar as medidas de difusión contidas na Lei 9/2007, no Regulamento (CE) 1974/2006, da Comisión, do 15 de decembro, polo que se establecen disposicións de aplicación do Regulamento (CE) 1698/2005, do Consello, relativo á subvención ao desenvolvemento rural a través do Fondo Europeo Agrícola de Desenvolvemento Rural (Feader) e no resto da normativa de aplicación».

c) No artigo 19º.-Actividades subvencionables, engádeselle un punto sexto ao artigo co seguinte texto: «6. As adquisicións relacionadas nas alíneas d), e), f) e g) do punto anterior só poderán ser subvencionadas no caso de que o beneficiario realice os traballos por medios propios».

d) Por último, ao longo de todo o texto, onde di: «roza baixo arboredo», debe dicir: «roza en monte arbóreo».

CONSELLERÍA DO MAR

Orde do 13 de abril de 2010 pola que se acorda a cesión en propiedade ao Concello do Vicedo dun guindastre de varada adscrito á Consellería do Mar.

A Comunidade Autónoma de Galicia é titular dun guindastre de columna mariña instalado e posto en marcha no porto pesqueiro do Vicedo en decembro do ano 1996, cedéuselle en precario o uso á entidade Confraría de Pescadores do Vicedo, para prestar servizo de varadas ao sector pesqueiro do porto.

Recentemente, a confraría de pescadores comunicou a esta consellería a renuncia á cesión en precario do uso deste ben xunto con todos os seus elementos, e foi posteriormente solicitada polo Concello do Vicedo a cesión do citado guindastre.